



# KENYATAAN MEDIA

[www.jkkn.gov.my](http://www.jkkn.gov.my)

UNTUK SIARAN SEGERA

Bil. 17 /2022

**“ALERT”**: Program berbentuk pembentangan dan sesi sumbangsaran akan melibatkan penggiat dan usahawan seni budaya bersama pakar-pakar teknologi digital bagi tujuan promosi, pemasaran, penjenamaan dan pengumpulan dana menerusi pendekatan teknologi digital.

## **JKKN BANTU PENGGIAT SENI JANA PENDAPATAN MELALUI PROGRAM WACANA**

**KUALA LUMPUR, 29 Ogos 2022** : Kementerian Pelancongan, Seni dan Budaya Malaysia (MOTAC) menerusi Jabatan Kebudayaan dan Kesenian Negara (JKKN) akan menganjurkan Program Wacana Pembangunan Produk Seni Budaya 2022 pada 08 September 2022 (Khamis) bermula jam 9.00 pagi bertempat di Auditorium Mini Kompleks Pelancongan Malaysia (MATIC) Kuala Lumpur. Majlis perasmian penutup akan di sempurnakan oleh YBrs. Tuan Haji Mesran bin Mohd Yusop, Ketua Pengarah JKKN.

Bertemakan ‘Melangkah Ke Alam Digital’, wacana ini bertujuan untuk berkongsi maklumat bersama individu dan kumpulan seni budaya berkaitan perkembangan teknologi digital menerusi pendedahan kepada konsep ekonomi digital, pemasaran dan promosi atas talian melalui pendekatan terkini. Program ini adalah untuk membangunkan penjenamaan serta pemasaran produk seni budaya berasaskan platform digital melalui pendedahan kepada konsep *block chain* (rantai blok) dan *NFT (non fungible token)*.

Selain itu juga, program ini menyediakan ruang jaringan kerjasama antara penggiat dan usahawan seni budaya (seni persembahan) dengan pakar industri teknologi digital. Ia dilaksanakan melalui pertukaran maklumat antara kedua-dua pihak. Pelaksanaan program ini juga bertujuan bagi menggarap kaedah dan pelaksanaan baharu menggunakan platform digital sebagai nilai tambah penjana ekonomi melalui hasil produk penggiat / usahawan seni budaya selaras dengan konsep terkini ekonomi pengetahuan.

Antara tajuk dan panel jemputan adalah seperti:

1. Penerokaan Metaverse Dalam Dunia Seni Budaya, Bersediakah Kita? oleh Prof Madya Ahamad Tarmizi Azizan, Pengerusi Persatuan Pendidik Animasi Malaysia (PPAM).
2. Peranan Syarikat Korporat dalam Membantu Perkembangan Seni Budaya Tempatan oleh Puan Zainariah Johari, Ketua Unit Seni Budaya dan Ruang Awam, Yayasan Hasanah.
3. Kaedah Memulakan Strim, Strategi, Potensi dan Perniagaan Atas Talian oleh Tuan Haji Zainal Rashid Ahmad, Pengasas dan Pengurus ZRA Strim.
4. Bicara Seni : Mendepani Arus Digital Dalam Dunia Seni bersama YBhg. Datuk Ramli Sarip.

“Program ini diharap dapat membantu penggiat dan usahawan seni budaya untuk mempelajari dan sama-sama berkongsi idea dalam pembangunan produk seni budaya ke arah perkembangan digital masa kini”. Kata Haji Mesran bin Mohd Yusop, Ketua Pengarah JKKN dalam kenyataannya hari ini.

Penggiat dan usahawan seni budaya yang berminat boleh mendaftar melalui pautan <https://forms.gle/PQWixf1V4bKjo7aEA> Tarikh tutup penyertaan adalah pada 5 September 2022 (Isnin). Bagi mendapatkan maklumat dan keterangan lanjut mengenai program ini, orang ramai boleh melayari laman sesawang JKKN iaitu [www.jkkn.gov.my](http://www.jkkn.gov.my) ataupun boleh layari *facebook* JKKN melalui pautan [www.facebook.com/mysenibudaya](http://www.facebook.com/mysenibudaya).

**-TAMAT-**

**Dikeluarkan Oleh:**

Unit Komunikasi Korporat  
Jabatan Kebudayaan dan Kesenian Negara  
Tel: 03-2614 8200 Faks: 03-2697 0786

**Laman Sesawang:** [www.jkkn.gov.my](http://www.jkkn.gov.my) **E-mel:** [ukk@jkkn.gov.my](mailto:ukk@jkkn.gov.my)

**Platform Media Sosial Rasmi JKKN:**

Facebook: @Jabatan Kebudayaan dan Kesenian Negara dan @mysenibudaya  
Instagram, Twitter & YouTube: @mysenibudaya

**Untuk Pertanyaan, Sila Hubungi**

Mazidah binti Mustapha Pengarah Unit Komunikasi Korporat, JKKN <a href="mailto:mazidah@jkkn.gov.my">mazidah@jkkn.gov.my</a> Tel: 03-2614 8200 / 012-952 2095	Nurhidayah binti Zakaria Penolong Pegawai Penerangan Unit Komunikasi Korporat, JKKN <a href="mailto:nurhidayah@jkkn.gov.my">nurhidayah@jkkn.gov.my</a> Tel: 03-2614 8200 / 019-55 96404
--	---